

UVODNA RIJEČ

Poštovani čitaoci,

U XII broju Zbornika radova nastavnika i saradnika Islamskog pedagoškog fakulteta Univerziteta u Zenici predstavljamo petnaest novih radova koji se, shodno svojoj strukturi, situiraju u naučnoistraživačke oblasti unutar kojih ovaj fakultet tradicionalno razvija svoju naučnoistraživačku djelatnost, a to su vjerske znanosti, socijalna istraživanja, islamska misao i civilizacija i jezik i književnost.

Kao ozbiljna serijska publikacija koja je prošla proces indeksacije u EBSCO i CEEOL bazama podataka, Zbornik je uređen uz poštivanje i primjenu savremenih izdavačkih standarda propisanih za ovakve publikacije, što nas obavezuje da, uz pomoć naših uvažениh recenzenata, pomno vodimo računa o kvalitetu radova koje objavljujemo. Tematika kojom se oni bave u ovom broju aktuelna je i savremena i iskreno se nadamo da će neki od ovih radova pobuditi Vašu pažnju, da će Vam pomoći u promišljanju slične problematike te da će Vas potaknuti na daljnja istraživanja.

Zahvaljujemo se svim autorima koji su našem Zborniku ponudili svoje radove i tako doprinijeli pojavljivanju novog broja. Zahvaljujemo se svim recenzentima na objektivnim ocjenama radova i svim drugim saradnicima Zbornika koji svojim trudom doprinose očuvanju njegovog kvaliteta i kontinuiteta.

Urednica:

Vanr. prof. dr. Mejra Softić